

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第二三四冊

責任編輯：孫言誠 賀 偉

ISBN 7-5333-0535-3



EB94/04

四庫全書存目叢書·史部二三四

(大陸版：限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 47.125印張

1996年8月第1版 1996年8月第1次印刷

印數1—100

ISBN 7-5333-0535-3

Z·37 史部定價：87600圓

史部第二三四冊目次

史部·地理類

峴山志六卷(存卷一卷二卷四)

〔明〕張睿卿撰
上海圖書館藏明萬曆四十二年刻本

一

杭州上天竺講寺誌十五卷首一卷

〔明〕釋廣賓撰
上海圖書館藏清順治刻康熙增修本

一二一

九華志八卷

〔明〕顧元鏡撰
上海圖書館藏明崇禎二年刻本

二四七

錫山景物畧十卷

〔明〕王永積撰
復旦大學圖書館藏明末嘉樂堂刻本

三九一

橫谿錄八卷附谿上咏一卷

〔明〕徐鳴時撰
上海圖書館藏明崇禎二年刻本

六一二

峴山志六卷（存卷一卷二卷四）

〔明〕張審卿撰

上海圖書館藏明萬曆四十二年刻本

附《四庫全書總目·峴山志六

卷》提要

吳興峴山志自叙



余弱冠即喜游覽葺五岳志爲屠
緯真先生所賞葆廢茲再行年五
十止游泰岱孔林天目洞庭黃山白
岳其他洞天福地披圖展卷作少文卧
遊客歲新安潘景升入苔以湖中山水
心見徵余出所次苔記授之一日登峴山



叙


以謂余曰千里之行始於足下此山靈
秀自來立相顧司徒霍尊聯句至今
爲美碑以爲博綜胡不爲此山傳神
乃令襄陽樊山空遊慕通遺邪於是
剔舊蒐新得卷有六具例論中夫志
史才也非曾羅烟霞腹誅丘索不能位
置山川雖一非架藏仙牒篋廣賜書不

能蒼衆菁華難二非支綿龍門游登
 鳳閣不能鈎深典以難三紀筆燦風
 雲思參玄邈不能潤漆景物難四此
 必妙手如應仲遠劉孝標陶和景葛
 羅川柳子厚乃克堪此余物人也兼此
 四難勉後是役露側無文何能為此
 一重第當矢五岳謀野采風是編或
 不可少梓之以復累升云
 萬曆甲寅夏五月嘯翁張稚通書
 楚山之芙蓉莊











題峴山圖後

國初吳興閻驥畫不減李龍眠有茗溪春曉圖
 卷子煙雲黯澹竹樹蒙密遠岫近峰層波淺渚
 隱隱重重於楊柳蒲葦之外漁舟弋艇浮沒於
 碧浪玉湖間至於香閣画樓浮圖亭榭短棹平
 橋點綴溪之湄山之墅設色之工布置之巧披
 玩良久應接不暇吳苑庵集亦載米友仁有是
 圖閻或摹友仁筆往余鑒賞於西子湖上志成
 繪圖卷首聊倚臥遊而画手平平未盡望中之
 峴山志

卷二題峴山圖後

景安得千購閻画模之以增過眼之快耶甲寅
 冬十月稚通書於超山之隣仙閣

岷山志

建置目錄 卷一

志敘 總圖一 合圖四 題山圖語

岷山 學士山 浮玉山 車蓋山

上下釣魚山 岐然歌 上下河口山

盤陀石 記 瑪瑙坡 窪尊石 奇樹石

盤陀石 記 石柱頭 石人頭 釣魚磯

雲溪 茗溪 餘不溪 考 溪灣 蘇灣

碧浪湖 夾山溪 蓮花池 浮玉泉

岷山志 建置目錄 百花洲 舊蘇堤 新陳堤 朱記 張朱詩

潘塘 庚村 荒村 丘路 附程嘉州王詩

岷山顯化寺 考 楊記 林記

岷山靈慧塔 浮玉山萬魁塔 岷山僧庵

毘盧閣 寶生禪院 考 復古開元寺

萬魁塔院 普覺禪院 文昌閣 考 盧顯

漢壽亭祠 憩庵 蘇記 集福庵 雪山庵

岷山名僧 考略

岷山名僧 考略

逸老堂 考 黃詩 沈詩 張詩

朋壽臺 胥臺讀書樓 環翠樓

賓山樓 空明樓 念西樓 清遠閣 徐記

顯亭 窪尊亭 張題 五花亭 考 浮玉亭

浮碧亭 劉記 湖山絕勝亭 湖山一覽亭

逸老碑石亭 張令碑亭 李令碑亭

喜留亭 費記 王記 李令碑六角亭

車蓋亭 萬魁塔亭

滴翠軒 萬籟軒

岷山志 建置目錄 三賢祠 孫詩 四賢祠 張詩 黃詩

呂公祠 劉李二公祠 任杜二公祠

劉太守生祠 劉吳二公生祠

陳太守生祠 李參知生祠

李何二公生祠 袁令祠

高風堂 嘉客祠 考

定安橋 章記 沈店橋 張王廟橋

平橋 百名橋 張詩 岷連橋 放生橋

玩花橋 蘇灣橋

玩花橋 蘇灣橋

俞子清無塵園 考 藤詩 章叅政嘉林園

牟端明園 張子野南園 趙氏蘇灣園

倪氏玉湖園 倪山約 韓氏園 程氏園

孟氏園 方隱君山園 高詩

賢良陳舜俞墓 考 侍郎趙與訔墓 考

趙孟頫墓 馬將軍墓 張叅知墓

尹少府墓 張氏祖墓 鮑氏祖墓

建置論

目錄

峴山志

建置目錄

三

峴山志卷之一

建置 第一

郡人 稚通張睿卿章

自有天地卽有山川然山之名昉於何代山之巘石名於何人山之寺剎於何時不可不遡考之至於浮屠之塔院樓閣游觀之園亭堂榭利民之橋梁塘堰循牧之祠堂碑刻各有朝年人物履斯樂斯能不詢其建置哉峴山之建置夥矣山墟蘭若亭宇碑版載在圖牒詳略不同至於郡乘所遺石柱所略得於他書及近時聞見者一一備記顛末源委臚列屬載曰鉅曰細必書無遺俾登斯山也知山所由名陟斯堂也知名所由起稽古證今瞭如指掌其他記詠別列勝槩藝文志建置第一

峴山志

卷之一

建置

峴山

在吳興定安門外去郡治南五里去郡城垣許舊名顯山唐中宗時避廟諱改今名以山傍郡城若襄陽大峴之義釋文云峴者見也以其出定安門卽見此山故名又吳興白峴嶺簔峴俱在長興

學士山

在蘇灣面對峴山右接碧湖子瞻常游故名

峴山志

卷一建置

或曰卽方屏山

浮玉山

在湖中凡山之在水中央者俱以浮玉名金山是大浮玉新安郭南有小浮玉此則名爲碧湖浮玉或以青青貼水如芙蓉曰芙蓉山

車蓋山

在峴山南童童若車蓋故名以別南之金蓋太守殷康有亭在頂上

上下釣魚山

俗名鮑山潘塘山志云從錢山北出爲潘塘

山上釣魚崗迤而高下釣魚石坦而夷遠望如嚴陵釣臺近挹如石公之陂陀石按大曆九年秋八月張志和訊魯公于湖公以舴艋旣弊請命更之志和答曰儻惠漁舟願以爲浮家汎宅沿沂江湖之上往來蒼雪之間野老幸矣皎然落玄真子舴艋歌滄浪子後玄真子冥冥釣隱江之汜剡木新成舴艋舟諸侯落舟自茲始得道身不繫無機舟亦閑從

峴山志

卷二遊覽

上下河口山

在湖東子昂記中甚詳程文簡公讀書處東瀆大溪西帶長瀆上有武安王廟邑徐金吾建按釣魚河口四山相對四山交牙而湖盤

瀦于內爲郡城第二外明堂

鑿嶺

在峴山右巖相傳秦王以此處王氣鑿斷山有鑿痕土人每于此處得鐵錐焉他如鳳凰三餘皆所鑿處

瑪瑙坡

在窪蹲亭西以其石紋如瑪瑙故名稍南有

峴山志

卷二 建置

四

高座石

窪尊石

唐大中李適之宴飲鑿石燕客處此石坎其中有一石眼通于外歲久泥湮余嘗洗滌可置酒一斗曲水觴流窪尊杓挹酒人清興山水咸宜

奇樹石

在水際嵌空突兀樹穿石而生有紫陽庵古樹意坐盤陀石玩之甚有致

盤陀石

在喜留亭下放生池上石勢坦夷可坐百人上有奇樹壽藤扶踈蓊鬱郡人張稚通芡芡除莽洗石題三字有記景吳興者八而南郭居其五一登峴山五者咸在目卽三者亦可拊而盡也何止是洞庭姑胥縹緲莫釐諸勝不出指顧間趙承旨所稱最清遠處惟此足當之自李相鑿石罅以來多亭榭逸老堂朋壽臺浮碧亭逮自吾

峴山志

卷二 建置

五

明爲諸老社集讀坦翁兩碑語語有致令人兩腋風生也石罅之左右坡陀磊砢止可做白香山作醉石不便布席命飲臨流垂竿勝未愜也迤而下東向石坡吻湖中若鼉鼉飲水中央峯石鏤生奇樹婆娑可愛余來必茵坐石上南望則碧湖千頃可洗萬斛塵襟浮玉一片堆水晶盤中金盞之雲蛺蝶道場之峰崢嶸橫山之嵐出沒下菰之煙微茫碧湖之帆來往北而望有蒼弁峩峩龍洞渺渺若

環者紫邏若幢者飛英若釜者昆山極目則
湖山隱隱若畫者具區銅官直盼而東有上
下河口與烏昇孺諸山斷續綿延於葦葭蘋
蓼之濱轉盼而西則夾山一帶水光與龍溪
相映亘西塞而杳黃蘗澗霞幕山諸峯起伏
變幻卽惠崇好手當閣筆萬曆丁未郡太守
陳公倣顏清臣故事截南湖爲放生池建庵
於湖畔添橋築塘夾樹桃柳峴山增勝百倍
余從白足禮寶勝如來徘徊山麓見石壁隱
峴山志 卷之五 六
隱宿莽中爲惡木浮沙所蝕出青錢顧直匠
意指揮芟之刈之洗之滌之不崇朝而蒼崖
丹嶂古木奇藤呈奇獻異矣于是游者蔭焉
行者憩焉濯纓滌觴者止焉磬聲塔影樵歌
牧唱耳目應接不暇快哉題曰小盤陀蓋以
湖視海以石視盤陀以寶生庵視海潮慧心
慧眼在在而是何論鉅細耶異日有說法生
公來不妨聚而聽講景峴山者亦有入此當
續而九作峴山小盤陀記

石柱頭

卽趙與望墓道處正對浮玉春時士女登道
場小憩于此

石人頭

在釣魚山石如比丘薜蒙其首溪人每集飲
賽社于斯水濱奇石甚不止此余欲肖而題
之以備愛石者賞鑒

釣鰲磯

在浮玉山坡萬魁塔之南萬曆甲寅張稚通
題書層學芙蓉一片石春浪碧依依百尺投
竿處詹何舊釣磯

峴山志

卷之五

七

雲溪

自西雲水灣至安定橋抵太湖曰雲溪以雲
管有聲也故名入城有倒雲灣至長興界西
流曰雲水橋至雒城合溪畫溪諸水入太湖
若溪

天目之山若水出焉由餘杭抵平望二百里
至湖跌前山二溪而來從潘塘入碧湖至安
定橋會雲溪入城落太湖曰若溪余嘗至餘
杭若水發源處兩畔多若草且水色與若葉
相映此若之所由名也
入

餘不溪

從德清至山塘入碧湖曰餘不溪謂衆水皆
渾此獨清澈故曰餘不總之三溪名異流異
而其源皆由天目其會皆落太湖
按不字秋韻作方鳩切田藝衡云當作虞韻
風無切本作柑草木房曰柑花下萼通作不
愚謂武康有餘英溪在上流德清餘不溪在
下流水之連漪相接如花之有蒂

溪灣

在山之東畔衆山環抱四水合流與蘇灣相
對魁塔懸立于前居人以釣車網及鷗鷺爲
業朱比部卜居于此詳勝槩中

蘇灣

在山南蘇子瞻在郡往泥于斯烏程陳莘老
別業在焉

碧浪湖

卽南湖一名峴山漾山影水中色澄碧又名
峴山志
碧落湖見倪雲林詩
九

夾山漾

在山之陰兩畔皆山故名山名雞籠亦名夾
山漾在其西左右有能仁福山二放生池

蓮花池



在瑪瑙坡上方廣不尋丈先越湯別駕鑿以
瀦水貯泥種紅蓮以娛客今則淖然止堪供
游客濯足耳

浮玉泉

在峴山麓甃井于上寺門左是

百花洲

峴山志

在寺門左宋熙寧中郡守孫覺創開于峴山
之麓外植芰荷內栽花柳亭榭參差竹木森
脩水陸通達往來鱗集

舊蘇堤

在車蓋山後相傳東坡在郡築堤立亭于斯
新陳堤

卽南塘自沈店橋以至峴山寺前綿亘二里
萬曆丁未年陳郡公勑築醵渠以洩郭西之
水甃石以通山塘之路夾樹桃柳宛如蘇白

二堤朱太復記

信夫甚哉水之爲利害也天地有偏聖人不
能違能惟因用而通塞相之不得人天地亦
幾無能其利萬物給而於地負重其害壅枯
敗廬稼而於稼重其治殺盈濟虛引利制害
而害爲利重水地曰地之血氣如筋脉之通
流亢害承制要於粒蒸民則瘠畝距川始禹
功明德遠矣嗣後西門鄭白樊惠之渠興沃
田富國食民爰歌詠之主以起利天地之所

峴山志

卷之五

無不關去害水之害故亟於利大矣治二曰
障曰疏鄭於黃河全隄重而兼兩惠永其七
門堰稱著蓋伊耆之坊庸事抑合禹績疏濬
水之道乎太上貴因因利而利之曰去其害
馬故渠利於無水之區而堰塘利於多水天
下多水之地江南爲盛江南之浸其大三江
五湖震澤爲盛震蕩也怒也一曰太湖緣湖
三吳吳興爲盛宅湖之陽上流兩君水發天
目來鑿于澤郡當其漚而西迫洪湍往往不